

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05) i Odluke o usvajanju programa utroška sredstava sa kriterijima raspodjele sredstava "Tekući transferi pojedincima – tekući transferi za programe povratka u RS" utvrđenih Budžetom Federacije Bosne i Hercegovine za 2024. godinu Federalnom ministarstvu raseljenih osoba i izbjeglica („Službene novine Federacije BiH“, broj: 27/24), a u cilju planiranja, kvalitetne izrade i transparentne provedbe planova pomoći održivog povratka u 2024. godini, Federalno ministarstvo raseljenih osoba i izbjeglica objavljuje

**Javni poziv**  
**za podršku zapošljavanju povratnika u organima javne uprave, javnim ustanovama i**  
**javnim preduzećima, na prostoru entiteta Republika Srpska,**  
**Brčko Distrikta Bosne i Hercegovine i entiteta Federacija Bosne i Hercegovine za područja**  
**srednje razvijenih, nerazvijenih i izrazito nerazvijenih općina i gradova**

**I**

**Svrha Javnog poziva:**

Javni poziv se objavljuje radi pružanja podrške zapošljavanju povratnika u organima javne uprave, javnim ustanovama i javnim preduzećima radi unapređenja održivog povratka.

**II**

**Cilj Javnog poziva**

Cilj Javnog poziva je pružiti podršku zapošljavanju povratnika koji spadaju u manjinski zastupljene populacije u javnom sektoru na lokalnom ili regionalnom nivou, čime će se omogućiti povećanje zastupljenosti ovih kategorija u organima javne uprave, javnim ustanovama i javnim preduzećima, a sve u skladu sa obavezama iz Aneksa VII Općeg okvirnog sporazuma za mir u Bosni i Hercegovini, te stvoriti bolji uslovi za održivi povratak i zadržavanje mladih kadrova u Bosni i Hercegovini.

**III**

**Pravo učešća**

Pravo prijave imaju isključivo pravna lica poslodavci koji ispunjavaju sljedeće uslove:

1. da su pravna lica - organi javne uprave, javne ustanove, javna preduzeća - registrovana u skladu sa važećim zakonima na nivou jedinica lokalne samouprave u entitetu Republika Srpska, Brčko Distriktu Bosne i Hercegovine i entitetu Federacija Bosne i Hercegovine – i to za područja srednje razvijenih, nerazvijenih i izrazito nerazvijenih općina i gradova (u skladu sa indeksom razvijenosti Federalnog zavoda za programiranje razvoja);
2. da imaju aktivan transakcijski račun;
3. da u periodu od dana objavljivanja ovog Javnog poziva do 30.11.2024. godine zaposli najmanje jedno lice na neodređeno vrijeme iz kategorije povratnika koji spadaju u manjinski zastupljene populacije, u skladu sa Aneksom VII, član 1. tačka 3. stav d) Općeg okvirnog sporazuma za mir u Bosni i Hercegovini te posljednjim popisom stanovništva u Bosni i Hercegovini;
4. da osoba koja se zapošljava ostvaruje status povratnika.

#### IV

##### **Ograničenje prava učešća**

Sva pravna lica koja nisu opravdala namjensko korištenje dodijeljenih budžetskih sredstava po ranijim programima ovog Ministarstva i nisu ispoštovala ugovorene uslove, nemaju pravo učešća u ovom Javnom pozivu.

#### V

##### **Finansijska sredstva**

(1) Za realizaciju ovog Javnog poziva planirana su finansijska sredstva u iznosu do 500.000,00 KM.

(2) Ministarstvo će poslodavcima koji budu odabrani u skladu sa ovim Javnim pozivom, onima koji izvrše zapošljavanje najmanje jednog povratnika na neodređeno vrijeme, jednokratno uplatiti sredstva u visini do 70% od iznosa predviđenog za isplatu plata i obaveznih poreza i doprinosa (bruto iznos) za period od 12 mjeseci a prema obračunu prve plate uposlenog povratnika.

(3) Poslodavac je obavezan da sufinansira preostali iznos bruto plate na mjesečnom nivou za uposlenog povratnika.

(4) Poslodavac je obavezan dostaviti izvještaj Federalnom ministarstvu raseljenih osoba i izbjeglica po realizaciji ugovora o sufinansiranju zapošljavanja povratnika.

#### VI

Korisnici – aplikanti po ovom Javnom pozivu će pri izboru korisnika po aktuelnom javnom pozivu za infrastrukturne projekte Federalnog ministarstva raseljenih osoba i izbjeglica imati prioritet u realizaciji među projektima istog ranga.

#### VII

##### **Prijava na Javni poziv**

Prijava na Javni poziv obavezno sadrži sljedeće dokumente:

1. Čitko popunjenu, potpisanu i ovjerenu prijavu na Javni poziv, na obrascu koji je dostupan na internet stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Hamdije Čemerlića 2., Sarajevo;
2. Aktuelni izvod iz sudskog registra – za javne ustanove i javna preduzeća;
3. Uvjerenje o registraciji poreskog obveznika u Poreskoj upravi (ID/JIB);
4. Potvrda banke o broju aktivnog transakcijskog/bankovnog računa;
5. Dokaz o upošljavanju povratnika: Rješenje o postavljenju državnog službenika ili namještenika, ugovor o radu na neodređeno vrijeme, Uvjerenje o ostvarenom povratku, Uvjerenje o prebivalištu – CIPS;
6. Izjava aplikanta da će redovno izmirivati obaveze plate, poreza i doprinosa za povratnika koji se upošljava po osnovu ovog Javnog poziva, ovjerena od strane aplikanta
7. Izjava poslodavca o pripadnosti povratnika koji se upošljava manjinski zastupljenoj populaciji u skladu sa posljednim popisom stanovništva u Bosni i Hercegovini.

Tražena dokumentacija se dostavlja kao original ili ovjerena fotokopija ne starija od 30 dana.

#### VIII

Ministarstvo će vršiti periodično ocjenjivanje pristiglih aplikacija u skladu sa propisanim procedurama i kriterijima te raspoloživim finansijskim sredstvima za ovaj Javni poziv, po zaprimanju aplikacija, a sve vodeći brigu o pravima i interesima povratnika koji se upošljavaju.

#### IX

Sa odabranim poslodavcima će se zaključiti ugovor o namjenskom utrošku sredstava na period od 12 mjeseci.

**X**

U slučaju prijavljivanja većeg broja kandidata u odnosu na raspoloživa sredstva, prednost će imati poslodavci koji upošljavaju veći broj povratnika.

**XI**

Prijave sa svim traženim dokumentima dostaviti lično ili poštom preporučeno, sa naznakom  
**“Prijava na Javni poziv za program Zapošljavanje u javnoj upravi”**,

na adresu:

**Federalno ministarstvo raseljenih osoba i izbjeglica  
Hamdije Čemerlića 2  
71000 Sarajevo**

*(Na poleđini koverta navesti naziv podnosioca, tačnu adresu i kontakt telefon)*

**Javni poziv ostaje otvoren do utroška planiranih sredstava, a najkasnije do 30.11.2024.  
godine.**

Broj: 03-32-3-50-1/24

Sarajevo: 15.04.2024. godine

MINISTAR

Nerin Dizdar